

### **Kreativac si?**

**Baviš se određenom kreativnom djelatnošću kao hobbijem ili profesionalno?**

**Želiš od toga generirati poslovnu ideju i potencijalno razviti biznis?**

**Imaš postojeći start-up biznis u oblasti kreativne industrije?**

**Želiš ojačati vlastite poduzetničke i menadžerske vještine?**

**Procijeniti izvodljivost poslovne ideje i naučiti izraditi poslovni plan?**

**Dobiti finansijsku podršku za realizaciju poslovne ideje?**

**Dobiti podršku stručnjaka iz oblasti kreativne industrije iz Francuske i BiH u razvoju poslovnog modela u kreativnoj industriji?**

**Upoznati se i umrežiti sa drugim kreativcima i poduzetnicima?**

**prijavi se na:**

## **JAVNI POZIV ZA UČEŠĆE U PROJEKTU KREATIVNI ELAN**

### **Uvodne informacije**

Investicijska fondacija Impakt je u proteklih pet godina u saradnji sa 59 lokalnih zajednica i javnih službi za zapošljavanje u BiH realizirala IMPAKT inkubator poslovnih ideja, u kojem je podržano osnivanje i unapređenje preko 500 novih poslovnih poduhvata širom Bosne i Hercegovine. Više informacija o inkubatoru poslovnih ideja dostupno je na [www.impakt.ba](http://www.impakt.ba).

Francuski institut u BiH nastoji osigurati transfer znanja i pozitivnih praksi i iskustava iz Francuske u BiH kako bi doprinijela cjelokupnom ekonomskom i društvenom razvoju Bosne i Hercegovine uz promociju Francuske kulture. Više informacija o aktivnosti Francuskog instituta u BiH i o kursevima francuskog jezika dostupno je na [www.institutfrancais.ba](http://www.institutfrancais.ba)

U sklopu zajedničke saradnje između Investicijske fondacije Impakt i Francuskog instituta u BiH realizuje se projekat Kreativni elan čiji je cilj stvaranje i promocija poslovnih poduhvata u oblasti kreativne industrije s ciljem njenog razvoja, očuvanja kulturnog naslijeđa, identiteta i promocije kulturne raznolikosti.

Predmetni Javni poziv raspisuje se u svrhu prijave za učešće u projektu Kreativni elan.

## **Opis programa**

Kreativni elan je projekat zasnovan na inkubaciji poslovnih ideja u oblasti kreativne industrije i predstavlja sveobuhvatan program inkubacije poslovnih ideja odnosno podrške realizaciji poslovnih ideja iz oblasti kreativne industrije a sastoji se iz sljedećih komponenti:

1. Poduzetnička obuka u trajanju od 6 dana u periodu od maksimalno 3 mjeseca fokusirana na razvoj poslovnog plana i poslovnog modela te jačanje poduzetničkih vještina, prilikom čega učesnici obuke imaju kontinuiranu stručnu i mentorsku podršku trenera u izradi zadataka i finalnoj izradi poslovnog plana i poslovnog modela.
2. Mentorska podrška u inkubaciji poslovnih ideja – u trajanja od 4 mjeseca tokom poduzetničke obuke i pripreme prezentacije poslovnih ideja realizirane od strane umjetnika i kreativaca iz Francuske i BiH a prilagođena utvrđenim potrebama i djelatnostima iz kojih dolaze poslovne ideje u oblasti kreativne industrije.
3. Priprema i realizacija prezentacije poslovnih ideja pred stručnom komisijom za ocjenu poslovnih planova i poslovnih modela uz realizaciju tematske radionice i panela na temu potencijala razvoja kreativne industrije u BiH.
4. Dodjela bespovratne finansijske podrške u iznosu do 3.000 EUR (ekvivalentno u BAM 5.867,49) za dvije najbolje pozitivno ocijenjene poslovne ideje
5. Stručnu i mentorsku podršku prilikom registracije poslovnih poduhvata i daljeg razvoja postojećih poslovnih poduhvata u trajanju od 3 mjeseca a koju obuhvata podršku u odabiru adekvatnih oblika registracije i pripremi dokumentacije za registraciju.
6. Stručnu i mentorsku podršku u daljem rastu i razvoju registrovanih biznisa u skladu sa procijenjenim potrebama.

U okviru projekta Francuski institut stavlja na raspolaganju svoje prostorije sa tehničkom opremom u Sarajevu ili u Mostaru, i može pružiti podršku u nabavci potrebnog materijala.

Sve pobrojane forme podrške će biti ponuđene samo onim poduzetnicima koji budu uspješno savladavali pojedinačne cikluse programa. Podrška u svakom narednom ciklusu uslovljena je uspješnim završetkom prethodnog ciklusa inkubacije poslovne ideje. U slučaju neispunjavanja preuzetih obaveza i neprofesionalnog ponašanja, Investicijska fondacija Impakt i Francuski institut u BiH zadržavaju pravo da u bilo kom trenutku isključe bilo kojeg poduzetnika iz procesa pružanja podrške.

### **Ko može aplicirati za program?**

- Fizičko lice sa prijavljenim mjestom boravka na području Bosne i Hercegovine koji ima određenu poslovnu ideju iz oblasti kreativne industrije i koju želi dalje razvijati.
- Organizacija civilnog društva (udruženja građana i fondacije) sa sjedištem na području Bosne i Hercegovine, zainteresovane za pokretanje socijalnih/društvenih poduzetničkih poduhvata u vidu privrednih društava odnosno formalnog biznisa.
- Kulturne ustanove sa sjedištem na području Bosne i Hercegovine, zainteresovane za pokretanje poduzetničkih poduhvata socijalnih/društvenih poduzetničkih poduhvata u vidu privrednih društava odnosno formalnog biznisa.
- Vlasnici postojećeg biznisa iz oblasti kreativne industrije sa sjedištem na području BiH koji je registrovan u periodu do godinu dana od dana objave javnog poziva zainteresovani za razvoj poduzetničkih vještina i realizaciju poslovne ideje o proširenju poslovanja (novi proizvodi/usluge, izlazak na inostrana tržišta i sl.).

Pod djelatnostima kreativne industrije u kontekstu ovog Javnog poziva podrazumijevaju se slijedeće:

- Vizuelne umjetnosti
  - Slikarstvo i skulptura - podrška umjetnicima u proizvodnji, promociji i prodaji njihovih djela.
  - Fotografija - razvoj projekata vezanih za umjetničku i komercijalnu fotografiju.
  - Digitalna umjetnost - stvaranje digitalnih slika, ilustracija i multimedijalnih instalacija.
- Izvođačke umjetnosti (pozorište, ples, muzika)
- Audiovizuelne umjetnosti
  - Filmska i video produkcija
  - Animacija (izrada animiranih filmova, serija i drugih animiranih sadržaja)
  - Televizija i Radio (kreiranje emisija, dokumentarnih filmova i serija)
- Dizajn
- Grafički dizajn - kreiranje vizuelnih identiteta, dizajn publikacija i marketinških materijala.
- Industrijski dizajn - razvoj proizvoda i prototipova u raznim industrijama.
- Modni dizajn
- Digitalne i kreativne tehnologije

- Razvoj igara - dizajn i proizvodnja video igara i edukativnih igara.
- Virtuelna i proširena stvarnost (VR/AR)
- Web i dizajn aplikacija
- Književnost i izdavaštvo
- Pisanje i objavljivanje
- Digitalno izdavaštvo - proizvodnja e-knjiga i digitalnih publikacija.
- Kulturni turizam
- Razvoj turističkih tura – kreiranje kulturnih tura koje uključuju umjetničke i istorijske aspekte.
- Kulturni festival - organizacija festivala koji promovišu lokalnu kulturu i umjetnost.
- Muzeji i galerije - Podrška u kreiranju izložbi, digitalizaciji kolekcija i marketinškim strategijama.

Dodatno, potrebno je:

- Da aplikant ima poslovnu ideju koju želi da pokrene i uspostavi formalni biznis u vidu obrtničke ili samostalne preduzetničke djelatnosti kao osnovne, dopunske ili dodatne djelatnosti, privrednog društva sa minimalno jednim zaposlenim. U slučaju start up biznisa neophodno je da se realizacijom projekta osigura zapošljavanje najmanje jedne osobe na period od šest mjeseci.
- Da aplikant posjeduje minimalne tehničke vještine za vođenje proizvodnog procesa ili upravljanje poslovnom aktivnošću.
- Da aplikant ima minimalno završenu srednju ili višu školu ili iskustvo na poslovima koje obuhvata poslovna ideja.

### **Propozicije učešća u Programu**

Za učešće u projektu Kreativni elan moguće je aplicirati sa poslovnom idejom koja kao rezultat podrazumijeva formalno osnivanje privrednog subjekta /ili realizaciju poslovne ideje o proširenju poslovanja (novi proizvodi/usluge, izlazak na inostrana tržišta i sl.) start up biznisa ne starijih od 12 mjeseci. Prihvatljivi oblici poslovnog poduhvata su: privredno društvo uz obavezu zapošljavanja zaposlenika, obrt i srodna djelatnost ili druga djelatnost kao osnovna, dopunska ili dodatna djelatnost, udruženje i/ili zadruga koji posluju prema principima socijalnog poduzetništva uz obavezu zaposlenja jednog zaposlenika. Navedeni formalni oblici poslovanja moraju biti iz djelatnosti kreativnih industrija prihvatljivih ovim Javnim pozivom. Poslovna ideja mora dokazati ekološku održivost te osigurati poštivanje principa ravnopravnosti spolova.

U Programu ne mogu učestvovati zaposlenici Francuskog instituta u BiH, Ambassade Francuske u BiH niti članovi njihovih uži porodica.

Ograničenja u vezi oblasti ili industrija iz koje dolaze poslovne ideje su one koje nalaže zakonodavstvo. Dodatno, nisu prihvatljive poslovne ideje koje imaju negativan uticaj na ljudsko zdravlje (npr. proizvodnja, prerada ili puštanje u promet alkoholnih pića ili duhanskih proizvoda, proizvodnja koja ima značajan uticaj na zagađenje ljudske okoline i slično). Nadalje, nisu prihvatljive djelatnosti pripreme i usluživanja hrane i pića (djelatnosti restorana, kafeterija, restorana brze hrane, mjesta za pripremu obroka za konzumiranje van objekta pripreme, kamiona za prodaju hrane, pokretnih kolica sa hranom, pripreme hrane na štandovima na tržnicama) kao ni djelatnosti kateringa i ostale djelatnosti pripreme i usluživanja hrane. Ovim se ne ograničavaju djelatnosti koje su povezane sa obukom, osposobljavanjem i poslovnim usavršavanjem kuhara, ugostitelja, itd. Neprihvatljivim će se smatrati djelatnosti trgovine na veliko i malo (motornim vozilima i motociklima, poljoprivrednim sirovinama i životinjama, proizvodima za kućanstvo, informacijsko-komunikacijskom opremom, strojevima, opremom i priborom, hranom i pićem, motornim gorivima, specijaliziranom robom, izvan prodavnica, štandova i tržnica, i slično). U slučaju da se radi o vlastitoj proizvodnji i trgovini na malo/veliko proizvedenim učincima, tada ne vrijedi prethodna odredba.

Iako se ograničavaju određene djelatnosti za apliciranje i korištenje bespovratne finansijske podrške, biće omogućeno učešće u p0duzetničkoj obuci.

## Kako aplicirati na Program?

Prijave se podnose na jedan od sljedećih načina:

1. E-mailom – dostavljanjem skeniranog Prijavnog formulara, koji je moguće preuzeti elektronski na zvaničnoj web stranici Investicijske fondacije IMPAKT [www.impact.ba](http://www.impact.ba) ili Francuskog instituta u BiH <https://institutfrancais.ba/> ili pak lično u prostorijama Francuskog instituta u BiH (ul. Tina Ujevića 8, Sarajevo), a putem e-mail-a: [info@impact.ba](mailto:info@impact.ba) ili [info@institutfrancais.ba](mailto:info@institutfrancais.ba).
2. Online prijavom - putem linka: <https://forms.gle/KkzYwKnMovtyMcT68>

Prijave na odgovarajućem prijavnom formularu podnose se najkasnije do **15. 01. 2025. godine.**

Napomena: Potrebno je dostaviti i kopiju rješenja o registraciji za već postojeće subjekte.

## Gdje mogu dobiti više informacija?

Više informacija moguće je dobiti u prostorijama Francuskog instituta u BiH (ul. Tina Ujevića 8, Sarajevo), putem broja telefona 033 586 277 i e-mail-a [info@institutfrancais.ba](mailto:info@institutfrancais.ba), ili pak u prostorijama Investicijske fondacije Impakt (ul. Šibenske 3, Sarajevo), putem broja telefona: 033 207 812 ili e-mail-a [info@impakt.ba](mailto:info@impakt.ba).

U svrhu adekvatnog informisanja o programu, Investicijska fondacija Impakt i Francuski institut organizirati će prezentaciju projekta Kreativni elan a koje će se održati:

- **09.12.2024. godine u 17.00 h** u prostorijama Savremene umjetničke škole u Tuzli (ulica Mije Keroševića Guje 3, Tuzla, zgrada BKC-a)
- **20.12.2024. godine u 18.00 h** u prostorijama Francuskog instituta (ul. Tina Ujevića br. 17, Sarajevo)
- **10.01.2025. godine u 14.00 h** online putem Zoom aplikacije a pristupni podaci su slijedeći:

<https://zoom.us/j/99065523011?pwd=Y0qpsBAZbUSlayvChV8DpDex8HtE1z.1>

Meeting ID: 990 6552 3011

Passcode: 263790

Ovim putem se pozivaju svi zainteresirani da prisustvuju radionicama odnosno prezentacijama.